

Երբ հասանք կամուրջ, նախ կղզիների նաւը փնտոնեց, ուզում էր գնալ, փախչել. շունչը կտրւում էր, չէր կարողանում դապել իրեն. մի քիչ յետոյ դադարաւրդ փոխեց, ձեռք տուաւ եւ արագ հեռացաւ :

Միւս օրը թերթերում կարդացի, որ Թաքսիմի մօտ, սիրտը ճաթել, վայր է ընկել :

Ու մեծաշուք մի թաղում էլ նրա՛ն արին . . .

Այսօր սարսափով մտածում եմ, մի՞թէ կարող է նորից կրկնուել :

Սկզբիցից ինքնը, մերկ զիստերով եւ յաղթական քայլերով անցնում են քաղաքից : Ռազմանաւերը կանգ են առել սպառնական :

Եւրոպան ներկայ է :

* * *

Ի՞նչքան կարեւոր է Պոլսից փախչել, Պոլսիւր յաղթել :

Երազում եմ լինել Հայաստանի լեռներից մէկի վրայ, հովիւների հետ եւ դոնէ մէկ տարի ապրել նախնական, մտահայեցական կեանքով : Մոռանալ ամէն ինչ, դուրս նետել քաղաքակրթական արտաքին զգեստաւորումը, լինել միմիայն մարդ բովանդակ աշխարհի առջեւ եւ երեսայի աչքերով դիտել աստղերին եւ լսել տարածութիւնները :

Վերադառնա՛լ : Բայց վերադառնալ ո՞ւր : Ո՞րտեղացի ենք մենք, մտքի յաւիտենական ճամբորդներս :

Միշտ ծարաւ, միշտ անօթի, հոգեկան եւրազուած սեղանի առջեւ մուրացիկներս . . .

Հողին երկրի պէտքն է զգում, ու միտքը սնունդ է առնում հողից :

Այստեղ, դաշտանկարը, ջուրի հոսողութեան եւ լոյսերի դունաւորումների տակ, անցողակի երեւոյթ է, սքաղուն կայծկլտում եւ ոչ թէ դէպք : Գիտակցութիւնը գեղեկուտ է, սահուն, անխարխալ : Իրերը անկայուն են, տեսլային, եւ ոչ մի օղակով չեն կապուած հոգեկան որոշումների հետ :

Պաշտօնաւոր ճանապարհների ստուերները առաջնորդում են լոյսերին : Թաւալուող նիւթը, իր ոլորուն կայլակների ետեւից, քաշում տանում է ետը : Միտքը, անդեկ նաւակի նման, երբեք է անհատի ծփուն մակերեսի վրայ :

Ահա ինչու, Պոլսում, կանայք զրականու-

թիւն են մշակում, եւ զգում են իրենց, ինչպէ՞ս Սիօնում :

Քաղաքը կին է՝ օրդանապէս թերի, մշտընջենապէս վերաւորուած եւ դերազանցօրէն սիրական :

Ուստի ստորին :

* * *

Պտոյտի ժամերիս, շատ անգամ, կանգ եմ առնում փողոցի տղաների հայերէնը լսելու համար :

Ի՞նչ գեղեցիկ է, ինչքան ճկուն է պոլսահայերէնը :

Թեթեւ է, վերասլաց, ջութակի սուր ձայների նման թրթռուն. գեղեցիկ կնջ ոսկեթել հիւսուած շղարչ, որի վրայ լուսինը թիթեռնիկներ է բանտարկել : Ածականները թիթալարուող նաւակների նման առաջ են սահում, մինչ բայերը, դրեթէ անշարժ, գեղեցիկ փիւրջ հեռացող տեսարանն են դիտում :

Նախադասութիւնը նուազաւոր է եւ ներդաշնակ : Նապօլիտեան երգի նման նա շունչ է առնում շրթունքների ծայրին, ոլորում բերնի մէջ, պտտում կոկորդի մօտ, շոյում առաստաղը եւ դուրս դալիս՝ ինչպէս թեթեւ հառաչանք :

Կերպընկալ է եւ հոսուն :

Ռազմական ոչ մի շեշտ կայ : Օրդանական ոչ մի միութիւն, ոչ լոյս, այլ լոյսի խաղ, ոչ ծով, այլ կոհակների ծփծփանք : Այստեղ բառը, ինչպէս արարատեան լեզուի մէջ, չի կառչում մտքին սուր ակոսներով, դադարաբի ուսերի տակ տնկուած փայտ չէ, այլ թեթեւօրէն թեւարկող նշան, բոցի վրայ սլացող անտեսանելի ծուխ :

Կլիկեան թաղուհիների հազած վենետիկեան թեթեւ կերպանների նման, բառերը մեղմօրէն սեղմում են ներդաշնակ մարմինը, եւ երկար ծալքերով վայր ընկնում գետին : Պագում են անցնող հովի շնչի տակ, փայլիլում ջահերի անհանգիստ բոցերում, շոյում պալատի զարդերը, ծփում արեւմուտքից եկած ասպետների արծաթէ սաղաւարտների վրայ :

Պոլսահայ լեզուն քաղցր է : Նա պտուղ չէ. մտքերի բնական, հիւթեղ եւ անմիջական համբ շունի : Երկարօրէն, բարակ ու նուրբ մատերով պատրաստուած անուշ է, որի համեմները հեռաւոր երկրներից են դալիս : Մատու-